

NYIAJ MUAS NOJ

YUAV QHIA TXOG COV KEV HLOOV HAUV TSEV NEEG LI CAS

Txhua tus neeg uas tau nyiaj muas noj yaav tsum tau qhia thaum uas muaj kev hloov hauv lawv cov nyiaj tau los sis hauv tsev neeg. Feem ntawv cov tsev neeg yuav tsum tau qhia cov kev hloov no peb lub hlis twg ib zaug. Lwm cov tsev neeg yuav tsum tau qhia thaum uas muaj cov kev hloov no. Koj tus neeg khiav ntaub ntawv yuav qhia rau koj seb koj tsev neeg yuav tau qhia peb lub hlis twg ib zaug los sis yuav tau qhia thaum uas muaj kev hloov. Yog hais tias koj tsis paub seb yuav qhia cov kev hloov no li cas, seb yuav tau qhia cov kev hloov twg rau hauv daim ntawv qhia, los sis seb peb xav tau cov pov thawj dab tsi, nco ntsoov nug koj tus neeg khiav ntaub ntawv rau koj.

Cov nram qab no qhia txog cov kev qhia uas muaj.

KEV QHIA PEB LUB HLIS TWG IB ZAUG

Yog hais tias koj tus neeg khiav ntaub ntawv qhia rau koj hais tias koj yuav tau qhia peb lub hlis twg ib zaug, koj yuav tau sau thiab xa Daim Ntawv Qhia Rau Kev Tsim Nyog Peb Lub Hlis Twg (QR 7) tsis pub dhau hnub 5 ntawm txhua 3 lub hlis twg ntawm lub sij hawm peb lub hlis ntawd. Koj tus neeg khiav ntaub ntawv yuav qhia rau koj txog koj cov sij hawm peb lub hlis twg.

Thaum uas koj xa koj daim QR 7 tuaj, cov lus qhia yuav siv los xyuas seb koj yuav tau nyiaj muas noj npaum li cas rau peb hlis tom ntej no. Piv txwv li:

Yog hais tias koj xa koj diam QR 7 tuaj thaum lub Peb Hlis Ntuj, koj yuav qhia seb koj tau nyiaj pes tsawg rau lub Ob Hlis Ntuj. Koj tseem yuav qhia seb koj xav tias puas yuav muaj kev hloob dab tsi rau lub Plaub Hlis Ntuj, Tsib Hlis Ntuj thiab Rau Hli Ntuj. Yog hais tias qhov nyiaj tau thaum lub Ob Hlis Ntuj ntawv yuav nyob li qub, koj cov nyiaj ntsuab thiab/los sis cov nyiaj muas noj rau lub Plaub Hlis Ntuj, Tsib Hlis Ntuj thiab Rau Hli Ntuj los xam koj cov nyiaj ntsuab thiab/los sis cov nyiaj muas noj rau cov hli no. Qhov no yog hu ua npaj nyiaj ua ntej.

Cov cai rau kev qhia peb lub hlis twg hais tias koj yuav tsum tau qhia cov kev hloov rau tej lub sij hawm. Yuav muab ib "lub hlis qhia" rau koj rau txhua peb lub hlis twg. Qhov no yuav yog lub hlis zus ob ntawm txhua peb lub hlis twg. Piv txwv li, yog tias koj lub sij hawm peb lub hlis twg yog lub Ib Hlis Ntuj, Ob Hlis Ntuj thiab Peb Hlis Ntuj, Lub Ob Hlis Ntuj yuav yog koj "lub hli qhia" thiab koj daim ntawv qhia yuav tsum xa tuaj tsis pub dhau hnub 5 ntawm lub Peb Hlis Ntuj. Daim ntawv qhia mas yuav tsum tuaj tsis pub dhau hnub 5 tas li ntawm lub hlis tom qab koj lub hlis qhia thiab yuav suav tau tias lig lawm yog tias peb tsis tau txais rau hnub 11 ntawm lub hlis. Yog tias koj daim QR 7 tuaj lig lawm, koj yuav tau them rov qab cov nyiaj ntsuab los sis nyiaj muas noj uas koj tau txais tiam sis tiag tiag yuav tsum tsis tau txais.

Koj yuav tau qhia tag nrho cov nyiaj tau, cov kev hloov hauv cov neeg hauv tsev neeg, kev yuav vaj tse los sis muag vaj tse los ntawm cov neeg hauv koj tsev neeg thiab lwm cov lus qhia rau lub hlis uas qhia ntawv nrog rau cov kev hloov hauv koj cov nyiaj tau thiab cov nuj nqis uas koj xav tias yuav muaj rau peb lub hlis tom ntej no.

Yog hais tias koj tsis xa Daim Ntawv Qhia Txhua Peb Lub Hlis Twg Txog Kev Tsim Nyog Seb Nyob Rau Qib Twg Lawm (Quarterly Eligibility Status Report [QR 7]) tsis pub dhau thawj hnub ua hauj lwm ntawm lub hlis tom qab lub hlis uas koj yuav tau qhia ntawv, koj tsev neeg cov nyiaj yuav tu.

Qhov uas koj yuav tau qhia rau koj Daim Ntawv Qhia Peb Hlis Twg Ib Zaug:

- Cov nyiaj ua hauj lwm tau tsis hais tau qhov twg los;
- Cov nyiaj uas tsis yog ua hauj lwm tau tsis hais yog nyiaj dab tsi;

- Tus neeg uas tau nqi tsev xauj nyob dawb los sis nqi siv hauv tsev dawb;
- Tus neeg uas muaj cov nuj nqis uas lwm tus neeg them lawm;
- Txo cov sij hawm ua hauj lwm los sis sij hawm xyaum hauj lwm;
- Ib tug neeg nkag los/tawm hauv koj lub tsev;
- Yog tias koj tsiv tsev;
- Yuav, muag los sis pauv vaj tsev los sis khoom ntiag tug;
- Cov kev hloov hauv kev them nyiaj yug me nyuam uas tsev hais plaub yuam kom them los ntawm ib tug neeg hauv tsev neeg tsis hais yog kev hloov dab tsi;
- Kev hloov hauv ib tug neeg kev ua xam xaj/kev tuaj txaww teb chaws tuaj los sis tau txais ib daim ntawv los ntawm U.S. Qhov Chaw Ua Xam Xaj thiab Kev Pab Rau Qhov Tuaj Txaww Teb Chaws Tuaj (U.S. Citizenship and Immigration Services [USCIS]) (thaum ntej hu ua INS);
- Ib tug neeg uas muaj 60 xyoo lawm;
- Ib tug neeg uas tau nyiaj los ntawm hauj lwm, chaw xyaum hauj lwm los sis tsev kawm ntawv rau cov nuj nqis;
- Ib tug neeg uas muaj cov nuj nqi rau kev ua hauj lwm, kev xyaum hauj lwm los sis kev kawm ntawv xws li rau kev zov me nyuam los sis cov khoom siv;
- Ib tug neeg hauv tsev neeg uas raug txim loj rau kev siv tshuaj tom qab lub Yim Hli Ntuj hnub tim 22, 1996 rau kev ua, muag, yais tshuaj, los sis cov kev ua uas txuam nrog cov kev ua tsis raug cai no, los sis cog los sis ua yeeb dawb, los sis muab ib tug me nyuam yaus mus ua cov kev ua no, yuav tsis tsim nyog rau nyiaj muas noj.
- Ib tug neeg hauv tsev neeg uas khaiv ntawm txoj cai los sis ua txhaum thaum tseem nyob txim.

QHIA COV KEV HLOOV THAUM NYOB HAUV LUB SIJ HAWM PEB LUB HLIS

Koj yuav tsum tau qhia cov nram qab no li ntawm kaum (10) hnub tom qab hnub hloov txawm tias nws tsis yog nyob hauv koj lub hlis qhia. Koj yuav tsum tau qhia:

- Yog tias koj qhov chaw nyob hloov.
- Yog tias koj yog Ib Tug Neeg Laus Uas Ua Taus Hauj Lwm Uas Tsis Muaj Neeg Tos Noj Tos Haus (Able Bodied Adult Without Dependents (ABAWD)); cov neeg tau nyiaj muas noj thiab cov sij hawm ua hauj lwm los sis xyaum hauj lwm tau xio mus rau tsawg tshaj 20 teev ib as thiv twg los sis 80 teev hauv ib lub hlis twg.

QHIA COV KEV HLOOV LOS NTAWM KEV YEEM NTAWM TUS KHEEJ

Tej zaum koj tseem yuav qhia tau lwm cov lus qhia los ntawm kev yeem, txawm tias nws tsis yog koj lub hlis qhia. Kev qhia cov lus qhia los ntawm kev yeem tej zaum yuav ua rau koj tsev neeg cov nyiaj nce. Lub nras yuav txiav txim li ntawm kaum (10) hnub tom qab koj muab pov thawj. Ib qho uas tsis suav yog qhov tias thaum uas poob rau qhov nce nyiaj los ntawm kev ntxiv neeg rau koj cov ntaub ntawv. Thaum zoo li no, lub nras yuav nce nyiaj rau zwj thaj ib ntawm lub hlis tom qab koj muab ntawv pov thawj. **Txawm tias koj twb qhia tej yam dab tsi rau lub Nras lawm los, koj yuav tsum tau qhia dua rau koj daim QR 7 tom ntej no thiab.**

QHIA COV KEV HLOOV LOS NTAWM KEV YEEM NTAWM TUS KHEEJ – Txuas mus

Ib cov kev piv txwv ntawm kev qhia los ntawm kev yeem uas yuav ua rau koj cov nyiaj nce muaj xws li:

- Tsis tau nyiaj lawm;
- Ib tug neeg koom ua tsis taus lawm los sis muaj 60 xyoo;
- Ib tug neeg koom pib them nyiaj yug me nyuam;
- Ib tug neeg koom tshiab nyob hauv lub tsev;
- Nqi tsev nce;
- Muaj nqi kho mob.

Yog hais tias koj tau nyiaj muas noj thiab koj yeem thaj qhia tias koj qhov nyiaj nce lawm, thiab nws siab tshaj qhov nyiaj tau ua ntej rho se rau koj tsev neeg lawm, tej zaum koj cov nyiaj yuav tu.

Ib co kev piv txwv ntawm kev qhia los ntawm kev yeem thaj uas tej zaum yuav ua rau koj cov nyiaj txa rau lub sij hawm peb lub hlis tom ntej no muaj xws li:

- Tau los sis nce nyiaj ntxiv;
- Ib tug neeg uas tsis tau nyiaj qhov twg los tawm hauv koj lub tsev lawm;
- Ib tug neeg uas tsis tau nyiaj qhov twg los hauv koj lub tsev tuag lawm;
- Ib tug neeg uas tau nyiaj tsiv los nrog koj nyob hauv koj lub tsev;
- Nqi tsev txa.

Koj **YUAV** qhia tau cov kev hloov thaum tsis tau txog sij hawm qhia peb lub hlis twg los ntawm kev:

- Xa hauv ntawy, xov tooj los sis tim ntsej tim muag tom nras lub chav fai muab nyiaj muas noj los sis xa Daim Ntawy Qhia Nrab Hli Ntawm Kev Qhia Peb Lub Hlis Twg (Mid-Quarter Status Report) los sis QR 3.

LWM COV KEV HLOOV

Muaj tej yam uas lub nras yuav tsum tau txa rau los sis txiat koj cov nyiaj thaum lub sij hawm peb lub hlis uas nws tshwm sim ntawd. Cov no yog ib co kev piv txwv:

- Ib tug neeg hauv tsev neeg raug nplua;
- Ib tug neeg hauv tsev neeg tau nyiaj muas noj hauv lwm tsev neeg;
- California Qhov Kev Pab Khoom Noj (California Food Assistance Program) tau hloov.
- Ib Tus Neeg Laus Uas Ua Taus Hauj Lwm Uas Tsis Muaj Neeg Tos Noj Tos Haus (Able Bodied Adult Without Dependents [ABAWD]); tus neeg tau nyiaj muas noj thiab cov sij hawm lawv ua hauj lwm los sis kawm hauj lwm poob qis tshaj 20 teev ib as thiv twg los sis 80 teev ib hlis twg.

QHIA TXOG KEV HLOOV

Yog hais tias koj nyob hauv tsev neeg uas qhia thaum muaj kev hloov, koj tsis tas yuav ua raws li cov cai rau Kev Qhia Peb Lub Hlis Twg. Tiam sis, koj **YUAV TSUM** qhia cov kev hloov nram qab no tsis pub dhau kaum hnub:

- Yog hais tias koj tsev neeg muaj ib qho kev hloov hauv qhov nyiaj ua hauj lwm tau txhua hli, los sis koj tsev neeg cov nyiaj ua hauj lwm tau pib, nres, los sis hloov ntaw tshaj \$100.00.
- Yog tias koj tsev neeg muaj ib qho kev hloov hauv qhov nyiaj uas tsis yog ua hauj lwm tau, los sis koj tsev neeg cov nyiaj hli uas tsis yog ua hauj lwm tau ntaw pib, nres, los sis hloov ntaw tshaj \$50.00.
- Ib tug neeg cov nyiaj tau hloov.

- Koj tsiv mus nyob nrog lwm tus neeg los sis ib tug neeg tawm hauv koj lub tsev, xws li tau me nyuam tshiab, lwm cov me nyuam, txij nkawm, los sis lwm cov neeg txheeb ze los sis cov neeg uas tsis yog cov neeg txheeb ze.
- Ib tug neeg tawm mus nyob rau lwm qhov chaw nyob, npaj yuav tsiv los sis tau ib qho chaw nyob tshiab.
- Koj tsev neeg cov nyiaj ntsuab, stocks, bonds los sis lwm cov nyiaj muaj ntaw tshaj \$2000 (los sis \$3000 yog hais tias ib tug neeg hauv tsev neeg muaj 60 xyoo rov saud los sis xiam oob qhab).
- Yog hais tias muaj ib qho kev hloov hauv qhov kev them nyiaj yug me nyuam uas tsev hais plaub yuam kom ib tug neeg hauv tsev neeg them rau ib tug menyuam uas tsis nyob hauv lub tsev.
- Yog hais tias koj yog Ib Tus Neeg Laus Uas Ua Taus Hauj Lwm Uas Tsis Muaj Neeg Tos Noj Tos Haus (Able Bodied Adult Without Dependents) thiab koj cov sij hawm ua hauj lwm poob qib tshaj 20 teev ib as thiv twg los sis 80 teev ib hlis twg.
- Ib tug neeg hauv koj tsev neeg uas zam los sis khaiv ntawm txa cai kom tsis txhob raug nplua, los sis kaw hauv tsev loj cuj tom qab raug nplua, los sis ua txhaum thaum nyob txim.
- Ib tug neeg hauv tsev neeg uas raug txim loj rau kev siv tshuaj tom qab lub Yim Hli Ntuj Tim 22, 1996 rau kev ua, muag, yais tshuaj, los sis cov kev ua uas txuam nrog cov kev ua tsis raug cai no, los sis cog los sis ua yeeb dawb, los sis muab ib tug me nyuam yaus mus ua cov kev ua no, yuav tsis tsim nyog rau nyiaj muas noj.

Koj qhia **TAU** thaum:

- Ib tug neeg qhov mob ntawm sab nqaij tawv los yog paj hlwb pib los sis xaus.
- Kev hloov hauv ib tug neeg kev ua xam xaj, kev tuaj txaww teb chaws tuaj hloov los sis ib tug neeg tau txais ib daim ntawv, daim ntawv thov los sis tau ib daim yuaj tshiab los ntawm USCIS (thaum ntej hu ua INS);
- Koj muaj kev hloov hauv qhov them nyiaj zov me nyuam.
- Ib tug neeg uas ib ce tsis meej xeeb los sis muaj 60 xyoo rov sauv uas muaj kev hloov los sis muaj ib co nqi kho mob tshiab. Yog hais tias muab tau pov thawj, yuav rov qab xam koj cov nyiaj dua.
- Ib tug neeg hauv tsev neeg pib them nyiaj yug me nyuam rau ib tug me nyuam uas tsis nyob hauv lub tsev.

Koj qhia tau cov kev hloov no los ntawm:

- Kev xa ntawy, hu xov tooj, los sis tuaj tim ntsej tim muag hauv Lub Nras Lub Laj Fai Muab Nyiaj Muas Noj; los sis
- Xa daim DFA 377.5 Daim Ntawy Qhia Txog Kev Hloov Hauv Tsev Neeg Uas Tau Nyiaj Muas Noj (Food Stamp Household Change Report).

Kev Pab Nyiaj Muas Noj Thaum Lub Sij Hawm Muaj Kev Hloov

Yog hais tias koj tsev neeg pib tau txais nyiaj muas noj thaum lub sij hawm muaj kev hloov, koj tsis tas yuav qhia thaum uas tau cov nyiaj no.

Yog hais tias koj tau nyiaj muas noj thaum lub sij hawm muaj kev hloov, koj rov qab thov tau kev pab los xyuas seb koj puas yuav tau kev pab ntxiv. Yog hais tias koj rov qab thov kev pab dua thiab koj tsim nyog rau cov nyiaj muas noj uas tsis yog rau lub sij hawm thaum muaj kev hloov, ces yuav siv tag nrho cov cai rau kev qhia.